

FORMA PRECUM  
In utrâque Domo  
CONVOCATIONIS  
SIVE  
Synodi Prælatorum,  
Et cæteri  
CLERICI,  
SEU  
*Provincialis seu Nationalis,*  
In ipso statim cujuslibet Sessionis  
initio, solenniter recitanda.

---

*Adjutorium nostrum in nomine Domini, qui fecit cælum & terram.*  
Psal. 124. 8.  
*Ubi duo vel tres sunt congregati in nomine meo (inquit Christus Dominus) ibi sum in medio eorum. Matth. 18. 20.*

---



---

Londini, Typis Car. Bill & Executricis Tlo. Newcomb, Defuncti,  
Regiæ Majestati Typogr. M. DCC.

1840

1841

1842

1843

1844

1845

1846

1847

## LITANIA

S E U

Supplicatio Generalis,

*Initio cujuslibet Sessionis solenniter recitanda: praeunte, in Domo quidem superiori, Episcopo novissime consecrato; in inferiori autem, Prolocutore, postquam fuerit electus, approbatus, & confirmatus.*

**P**ATER cœlestis Deus, miserere nobis miseris peccatoribus.

*Pater cœlestis Deus, miserere nobis miseris peccatoribus.*

Fili Redemptor Mundi Deus, miserere nobis miseris peccatoribus.

*Fili Redemptor Mundi Deus, miserere nobis miseris peccatoribus.*

Spiritus sancte Deus, à Patre, & Filio procedens, miserere nobis miseris peccatoribus.

*Spiritus sancte Deus, à Patre, & Filio procedens, miserere nobis miseris peccatoribus.*

Sancta, beata, & gloriosa Trinitas, tres Personæ, unus Deus, miserere nobis miseris peccatoribus.

*Sancta, beata, & gloriosa Trinitas, tres Personæ, unus Deus; miserere nobis miseris peccatoribus.*

Ne memineris, Domine, iniquitatum vel nostrarum vel patrum nostrorum, neque vindictam sumas de peccatis nostris; Parce nobis, Domine, parce populo tuo, quem redemisti pretiosissimo sanguine tuo, & ne in æternam irascaris nobis.

*Parce nobis, Domine.*

Ab omni malo & afflictione, à peccato, ab insidiis & incurfibus Diaboli, ab irâ tuâ, & ab æternâ damnatione,

*Libera nos, Domine.*

Ab omni cæcitate cordis, à superbiâ, vanâ gloriâ, & hypocrisi, ab invidiâ, odio & malitiâ, & ab omni affectu à charitate alieno,

*Libera nos, Domine.*

A scortatione, omnique alio peccato mortifero, & ab omnibus dolis Mundi, Carnis & Diaboli,

*Libera nos, Domine.*

A fulgure, & procellâ, à lue, pestilentia & fame, à bello, cæde & ab improvisâ morte,

*Libera nos, Domine.*

Ab omni seditione, clandestinâ conjuratione & perdu-



perduellione ; ab omni falso dogmate, hæresi & schismate, à duritiâ cordis, & contemptu verbi, & mandati tui,

*Libera nos, Domine.*

Per mysterium sanctæ Incarnationis tuæ, per tuam sanctam Nativitatem & Circumcisionem, per Baptismum tuum, Jejunium, & Tentationem,

*Libera nos, Domine.*

Per Agoniam tuam, & sanguineum Sudorem, per Crucem tuam, & Passionem, per pretiosam Mortem tuam, & Sepulturam, per gloriosam Resurrectionem tuam, & Ascensionem, & per adventum Spiritûs sancti,

*Libera nos, Domine.*

Omni tempore tribulationis nostræ, omni tempore prosperitatis nostræ, horâ mortis, & die judicii,

*Libera nos, Domine.*

Peccatores te rogamus, audi nos, Domine Deus, atque ut Sanctam tuam Catholicam Ecclesiam in viâ rectâ regere, & gubernare digneris;

*Te rogamus, audi nos, Domine.*

Ut Ministrum tuum G U L I E L M U M Regem & Governatorem nostrum Clementissimum, in vero tui cultu, in justitiâ & sanctitate vitæ, custodire & confirmare digneris ;

*Te rogamus, audi nos, Domine.*

Ut

Ut Cor illius in fide, timore, & amore tuo, regere digneris, & ut in te semper fiduciam suam ponat, & semper quærat honorem & gloriam tuam;

*Te rogamus, audi nos, Domine.*

Ut defensor & custos illius esse, ei que victoriam in omnes inimicos ejus concedere digneris;

*Te rogamus, audi nos, Domine.*

Ut celsissimis Principibus, Catharina Reginae Dataria, & Anna Danica, totique Familiae Regiae benedicere, eosque conservare digneris;

*Te rogamus, audi nos, Domine.*

Ut omnes Episcopos, Presbyteros, & Diaconos verâ cognitione, & intellectu verbi tui illuminare digneris; & ut tum doctrinâ tum vitâ suâ, illud promoveant, & pro dignitate illustrent;

*Te rogamus, audi nos, Domine.*

Ut præsentî huic Convocationi [vel Synodo] Spiritu tuo sancto aspirare, & præesse digneris; qui nos ducat in omnem veritatem quæ est secundum pietatem;

*Te rogamus, audi nos, Domine.*

Ut eos qui sunt Regi à Consiliis & omnes regni Proceres, gratiâ, sapientiâ & intelligentiâ donare digneris;

*Te rogamus, audi nos, Domine.*

Ut Magistratibus benedicere, eosque tueri digneris;

neris ; gratiam eis largiendo, ut exequantur iustitiam, & rectum defendant ;

*Te rogamus, audi nos, Domine.*

Ut populo tuo universo benedicere, eumque conservare digneris ;

*Te rogamus, audi nos, Domine.*

Ut omnibus nationibus unitatem, pacem & concordiam largiri digneris ;

*Te rogamus, audi nos, Domine.*

Ut nobis cor dare digneris quo te amemus, & timeamus, ac ad normam mandatorum tuorum vitam diligentèr instituamus ;

*Te rogamus, audi nos, Domine.*

Ut omni populo tuo incrementum gratiæ donare digneris, quo verbum tuum humiliter audiant, & puro corde recipiant, & fructus Spiritus proferant ;

*Te rogamus, audi nos, Domine.*

Ut errantes & seductos omnes in viam veritatis reducere digneris ;

*Te rogamus, audi nos, Domine.*

Ut stantes confirmare, corde debiles solari & adjuvare, lapsos surrigere, ac Satanam tandem sub pedibus nostris conterendum dejicere digneris ;

*Te rogamus, audi nos, Domine.*

Ut omnibus in periculo, necessitate & angustia constitutis succurrere, auxiliari, & solatium adhibere digneris ;

*Te rogamus, audi nos, Domine.*

Ut

Ut omnes terrâ marique iter facientes, omnes parturientes, omnes ægrotantes & infantes conservare ; & in omnes carcere detentos, captivosque, misericordiam tuam ostendere digneris ;

*Te rogamus, audi nos, Domine.*

Ut orphanis & viduis, desolatis omnibus & oppressis, opitulari & providere digneris ;

*Te rogamus, audi nos, Domine.*

Ut omnium hominum misereri digneris ;

*Te rogamus, audi nos, Domine.*

Ut inimicis, persecutoribus, & obrectatoribus nostris ignoscere, & eorum corda immutare digneris ;

*Te rogamus, audi nos, Domine.*

Ut fructus terræ genuinos in usum nostrum dare, & conservare digneris, ità ut eis tempore opportuno piè utamur ;

*Te rogamus, audi nos, Domine.*

Ut veram poenitentiam nobis largiri, peccata nostra omnia, omnia ex negligentia, aut ignorantia admissa, nobis condonare, & sancti Spiritûs tui gratia nos induere digneris, ut vitam nostram ad sancti verbi tui normam emendemus ;

*Te rogamus, audi nos, Domine.*

Fili Dei, te rogamus, audi nos.

*Fili Dei, te rogamus, audi nos.*

Agnus Dei, qui tollis peccata mundi,

*Dona nobis pacem tuam.*

Agnus



Agnus Dei, qui tollis peccata Mundi,  
*Miserere nostri.*

Christe, exaudi nos.

*Christe, exaudi nos.*

Kyrie, eleeson.

*Kyrie, eleëson.*

Christe, eleeson.

*Christe, eleëson.*

Kyrie, eleeson.

*Kyrie, eleëson.*

**P**ater noster qui es in cœlis, Sanctificetur No-  
 men tuum. Adveniat Regnum tuum. Fiat  
 voluntas tua, sicut in cœlo & in terrâ. Panem  
 nostrum quotidianum da nobis hodiè. Et dimitte  
 nobis debita nostra, sicut & nos dimittimus debi-  
 toribus nostris. Et ne nos inducas in tentationem;  
 sed libera nos a malo. *Amen.*

Domine, ne secundum peccata nostra facias  
 nobis.

*Neque secundum Iniquitates nostras retribuas  
 nobis.*

Oremus.

**D**eus, Pater misericors, qui nec suspiria con-  
 triti cordis, nec mœrentium desideria despi-  
 cis, propitius adesto precibus nostris, quas tibi in  
 B omnibus

omnibus afflictionibus & angustis nostris, si quando nos opprimant, effundimus; Nosque clementer exaudi, ut quæ contra nos mala, Diaboli, aut hominum, fraus & astutia machinatur, ad nihilum redigantur, & providentiâ benignitatis tuæ dissipentur: Ut nos servi tui nullis persecutionibus læsi, in Ecclesiâ tuâ sanctâ gratias tibi in æternum tribuamus, per Jesum Christum Dominum nostrum.

*Exurge, Domine, adjuva nos, & libera nos propter Nomen tuum.*

**D**Eus, auribus nostris audivimus, & Patres nostri annuntiaverunt nobis Magnalia tua, quæ operatus es in diebus eorum, & in antiquis retro sæculis.

*Exurge, Domine, adjuva nos, & libera nos propter Honorem tuum.*

Gloria Patri, & Filio, & Spiritui Sancto.

Sicut erat in Principio, & nunc, & semper, & in sæcula sæculorum. *Amen.*

Ab inimicis nostris defende nos, Christe.

*Respice clementer afflictiones nostras.*

Dolores cordium nostrorum miseranter aspice.

*Propitius ignosce peccatis populi tui.*

Benigne

Benignè misericors audi orationes nostras.

*Fili David, miserere nostri.*

Et nunc, & semper nos exaudire digneris, ô  
Christe.

*Christe, exaudi nos clementèr ; clementèr exaudi  
nos ô Domine Christe.*

Ostende nobis, Domine, misericordiam tuam ;

*Quemadmodum speramus in te.*

Oremus.

**I**Nfirmities nostras, supplices quæsumus, ô Pater,  
benignè respice, & propter gloriam nominis  
tui, mala ea omnia, quæ justissimè promeriti su-  
mus, à nobis averte ; & præsta, ut in omnibus ad-  
versitatibus nostris spem nostram, & fiduciam om-  
nem, in misericordiâ tuâ collocemus ; Tibique in  
Sanctitate ac Puritate vitæ inserviamus jugitèr, in  
honorem tuum, & gloriam, per Mediatorem & Ad-  
vocatam nostrum unicum Jesum Christum Domi-  
num nostrum. *Amen.*

¶ *Oratio pro Suprema Curia Parliamenti, durante  
ejus Sessione.*

**C**lementissime Deus, te rogamus supplices, cum  
pro universo hoc regno, tum maximè pro

Supremâ Curiâ Parliamenti, sub pientissimo ac clementissimo Rege nostro jam congregatâ, ut cunctas eorum deliberationes dirigere ac prosperare digneris, ad gloriæ tuæ incrementum, Ecclesiæ tuæ bonum, securitatem decus & commodum Regis nostri, & Regnorum ejus; quo eorum conatibus omnia ita constituentur ac stabiliantur, optimis, fidissimisque subnixa fundamentis, Ut Pax ac Felicitas, Veritas ac Justitia, Religio ac Pietas, apud nos stabilita maneant per omnia sæcula. Hæc & alia, ipsis, Nobis, & Universæ Ecclesiæ tuæ necessaria, supplices à te petimus, in Nomine ac per Mediationem beatissimi Domini ac Servatoris nostri Jesu Christi. *Amen.*

¶ *Oratio pro præsentè Convocatione sive Synodo.*

**D**omine Deus, Pater Luminum, & Fons omnis Sapientiæ; Nos ad Scabellum pedum tuorum provoluti, humiles tui & indigni famuli, te rogamus, ut qui in Nomine tuo sub auspiciis clementissimi Regis *GULIELMI* hic convenimus, Gratiâ tuâ cœlitus adjuti, ea omnia investigare, meditari, tractare, & discernere valeamus, quæ honorem tuum & gloriam promoveant, & in Ecclesiæ cedant profectum. Concede igitur ut Spiritus tuus, qui Concilio olim Apostolico, huic nostro



stro etiam nunc infideat, ducátque nos in omnem veritatem, quæ est secundum Pietatem : Ut qui, ad amissim sanctæ Reformationis nostræ, errores, corruptelas, & superstitiones olim hic grassantes, Tyrannidemque Papalem, meritò & seriò repudiavimus, Fidem Apostolicam & verè Catholicam, firmiter & constanter, teneamus omnes, Tibique ritè puro cultu intrepidi serviamus, per Jesum Christum Dominum & Servatorem nostrum. *Amen.*

¶ *Superaddi poterunt quatuor Collectæ, vel aliquot earum, prout visum fuerit, pro universo Clero. Quæ autem illas sequitur, quinta, quæ Sancti Chrysostomi dicitur, nunquam omittatur.*

I. **O**Mnipotens Deus, qui Ecclesiam tuam, Apostolorum & Prophetarum fundamento, ipsique adeo imò ejus angulari lapidi Jesu Christo, inædificasti ; concede nos ità per eorum Doctrinam in unitate Spiritûs conjungi, ut in Templum sanctum Tibi acceptum exurgamus per Jesum Christum Dominum nostrum. *Amen.*

II. **O**Mnipotens & sempiternæ Deus, cujus Spiritu integrum Ecclesiæ corpus regitur & sanctificatur ; Supplicationes nostras ac preces suscipe, quas pro omnibus in Ecclesiâ tuâ sanctâ hominum

hominum ordinibus Tibi offerimus : Ut unumquodque ejusdem membrum, pro suo munere, & ministerio, sincerè Tibi, & religiosè interserviat, per Dominum & Servatorem nostrum Jesum Christum. *Amen.*

III. **O**Mnipotens Deus, qui per Filium tuum Jesum Christum Sanctis Apostolis tuis multa contulisti dona præstantia, iisque ut gregem tuum pascere, instantèr præcepisti; Faxis, quæsumus, ut Episcopi & Pastores omnes sanctum verbum tuum diligentèr prædicent, populûsque eidem studiosè obsequatur, quo æternæ coronam gloriæ consequamur omnes per Jesum Christum Dominum nostrum. *Amen.*

IV. **C**Oncede, quæsumus Domine, ut mundi hujus tenor ita placidè moderamine tuo temperetur, ut Ecclesiâ tuâ piè tranquillè & alacriter tibi famuletur, per Jesum Christum Dominum nostrum. *Amen.*

V. **O**Mnipotens Deus, qui gratiam nobis dedisti ad communes nostras hoc tempore preces uno Tibi animo effundendas, quique polliceris, ubi duo vel tres in Nomine tuo congregati fuerint, Te eorum Petitiones exauditurum; Famulorum

lorum tuorum, Domine, desideria ac vota, prout illis expediat maximè, jam adimple ; concessâ nobis in hoc sæculo tuæ veritatis cognitione, & in futuro vitâ æternâ. *Amen.*

**G**Ratia Domini nostri Jesu Christi & Charitas Dei & Communicatio Spiritûs sancti sit semper nobiscum omnibus. *Amen.*

---

*F I N I S.*

---





